

Testuak lantzen

1 Bete itzazu ondoko testuetako hutsuneak, **egon** aditza erabiliz :

1. —Adizu, Miren, zure etxera deika aritu naiz lehen eta ez duzu erantzun.
Lo al ... ?
—Zer ordutan deitu duzu?
—Hamarrak aldean.
—Hamarretan ohean ni? Bai zera! Ordurako jaikita ...
—Eta zergatik ez duzu, bada, telefonoa hartu?
—Kanpoan nintzelako. Lurdesen etxean nintzen. Oso urduri ... Lurdes eta hura lasaitzera joan naiz. Kostatu zait, baina lortu dut azkenean. Askoz lasaiago ... orain.
—Zer zuen, bada?
—Pelikula beldurgarri bat ikusi omen zuen atzo eta beldurrak ... gai-xoa. Gau osoa esna pasatu omen du.
—Pelikula batengatik horrela?
—Bai, hiltzaileak zure antza omen zuen.

2. —Zertara etorri zarete? Honen lasai ... gu tele ikusten eta zuek azaldu behar!
—Bai? Lasai al ... ? Ez al duzue, bada, berria entzun?
—Zer berri?
—Aste honetako loteria gure herrian erori dela!
—Loteria hemen erori dela? Hau suerte txarra!
—Nola, ordea, suerte txarra?
—Horixe dela suerte txarra ! Aste honetan guk ez dugu loteriarik erosi. Erostera joan ginenean, dezimo guztiak salduta ... esan ziguten.

3. —Eskerrak medikuarengana joan nintzen. Hark esan zuenez, oso gaizki ... Orain, hari esker, askoz hobeto nago: bajan eta, gainera, oinazzerik gabe.

HAMAHIRU MAHAIAN

'Hamahiru' zenbakia txarra dela diote batzuek. Suerte txarra dakarrela, alegia. Beste batzuek, berriz, horiek sineskeriak direla uste dute. Beste zenbakiak bezalakoa dela 'hamahirua' ere. Hona hemen gai horren inguruko bi kontakizun.

A.

Gizon atsegina zen Mikel Larraburu, lagunartea maite zuena. "Aspaldi ez ditut karrerako lagunak ikusi —pentsatu zuen egun batean—. Lehen beti elkarrekin izaten ginen eta orain ez dugu inoiz elkar ikusten. Bazkaltzera gonbidatuko ditut...".

Pentsatu eta egin. Bazkaltzera gonbidatu zituen aspaldiko lagunak. Baita haiek pozik etorri ere!

Lehen agurrak egin ondoren, kontu kontari hasi ziren denak, bakoitzak bere berri emanaz. Ondo bizi ziren denak. Kolokatuta zeuden, lana bazuten...

Berriketa batzuk egin eta gero, jangelara pasatu ziren eta mahaian jarri ziren. Mahaian jarrita zeudela, neskamea etorri zen marmarrean sukaldetik, zopa-ontzia eskuetan zuela.

—Banengoen, bada, berriketa horiek ez ote ziren sekula amaituko. Zopa hozteko ere...

Lagunak ikusi zituenean, berriz, ontzia mahai gainean utzi eta nagusiaren ondora joan zen lasterka :

—Ai ene! Ezin dut, jauna; horrela ezin dut zerbitul!

—Nola ezin duzula? —nagusiak harrituta.

—Kontatu, mesedez, kontatu zenbat lagun zaudeten mahaian.

Kontatu zituen Mikelek eta... hamahiru lagun zeuden.

—Zuetako batek etxera joan beharko du —esan zuen serio neskameak.

—Baina zer diozu, emakumea? —esan zion Mikelek haserre—. Txorakeriak dira horiek.

—Txorakeriak? Ez, jauna, ez dira txorakeriak. Nik badakit zer gertatzen den mahaian hamahiru lagun biltzen direnean.

—Zer gertatzen da, bada?

—Beti norbait hiltzen dela besteak baino lehenago!



B.

Adizu, Matilde, mahai batean hamahiru lagun esertzea gauza txarra dela uste al duzu? —galdetu zion behin Nekanek neskameari.

—Bai, andrea, izugarri txarra —erantzun zion honek—; janaria hamarrentzat baizik ez dagoenean, batez ere.

sineskeria: *superstición*

- ↪ a. Aurkitu goiko testuetan hitz edo esaldi hauen antzekoak:
(Halla en los textos expresiones semejantes)

adiskideak	hizketa	bukatu	etxejojaun	esaten duzu
tontakeria	oso	gustora	zerbitzari	zenbait

- ↪ b. Erantzun:

1. Hamahiru zenbakia dela eta, denok berdin pentsatzen al dugu?
2. Gizon bakartia al zen Larraburu jauna?
3. Bere lantegiko adiskideak gonbidatu al zituen?
4. Nola zuen izena lanik gabe zegoen lagunak?
5. Denbora luzean egon al ziren hizketan, jangelara pasatu aurretik?
6. Berriketa horiek direla eta, zeren beldur zen neskamea?
7. Zergatik joan zen neskamea lasterka nagusiaren ondora?
8. Nola konpondu nahi zuen neskameak hango problema?
9. Nagusia lasai geratu al zen?
10. Neskamearen ustez, zer gertatuko da hamahiru bazkaltiar badira?

- ↪ c. Kontatu edo idatzi zeure modura 1. kontakizuna.